

Мемлекеттік қызметші емес су жолдары ұйымдарының және Қазақстан Республикасы Көлік және коммуникация министрлігінің Көлік және қатынас жолдары комитеті "Кеме қатынасының тіркелімі" мемлекеттік мекемесінің жұмыскерлерінің мамандықтары бойынша жұмыс өтілін есептеу ережесін бекіту туралы

Күшін жойған

Қазақстан Республикасы Көлік және коммуникациялар министрінің 2002 жылғы 8 тамыздағы N 275-І бұйрығы. Қазақстан Республикасы Әділет министрлігінде 2002 жылғы 23 тамызда тіркелді. Тіркеу N 1959. Күші жойылды - Қазақстан Республикасы Көлік және коммуникация министрінің 2013 жылғы 23 қазандағы № 827 бұйрығымен

Ескерту. Күші жойылды - ҚР Көлік және коммуникация министрінің 23.10.2013 № 827 бұйрығымен (алғашқы ресми жарияланғаннан кейін күнтізбелік он күн өткен соң қолданысқа енгізіледі).

Ескерту. Тақырыбы және одан әрі мәтіні "су жолдары ұйымдарының" деген сөздерден кейін "және Қазақстан Республикасы Көлік және коммуникация министрлігінің Көлік және қатынас жолдары комитеті "Кеме қатынасының тіркелімі" мемлекеттік мекемесінің" деген сөздермен толықтырылды - ҚР Көлік және коммуникация министрінің 2009 жылғы 6 наурыздағы N 105 (қолданысқа енгізілу тәртібін 4-т. қараңыз) Бұйрығымен.

Қазақстан Республикасы Президентінің "Мемлекеттік кәсіпорын туралы" 1995 жылғы 19 маусымдағы N 2335 заң күші бар Жарлығына с ә й к е с

БҰЙЫРАМЫН:

1. Қоса беріліп отырған Мемлекеттік қызметші емес су жолдары ұйымдарының және Қазақстан Республикасы Көлік және коммуникация министрлігінің Көлік және қатынас жолдары комитеті "Кеме қатынасының тіркелімі" мемлекеттік мекемесінің жұмыскерлерінің мамандықтары бойынша жұмыс өтілін есептеу ережесі бекітілсін.

2. Су көлігі департаменті (Ж.М.Қасымбек) заңнамада белгіленген тәртіппен осы бұйрықты Қазақстан Республикасының Еңбек және халықты әлеуметтік қорғау министрлігімен келіссін және мемлекеттік тіркеу үшін Қазақстан Республикасының Әділет министрлігіне ұсынсын.

3. Осы бұйрықтың орындалуын бақылау Қазақстан Республикасының Көлік және коммуникациялар вице-министрі Н.З.Ниғматулинге жүктелсін.

4. Бұйрық мемлекеттік тіркелген күнінен бастап қолданысқа енгізіледі және 2002 жылғы 1 қаңтардан бастап туындаған қарым-қатынастарға таралады.

Министр

Келісілді
Қазақстан Республикасының
Еңбек және халықты әлеуметтік
қорғау вице-министрі
2002 жылғы 23 шілде

Қазақстан Республикасы
Көлік және коммуникациялар
министрінің
2002 жылғы 8 тамыздағы
N 275-І бұйрығымен бекітілді

Мемлекеттік қызметші емес су жолдары ұйымдарының және Қазақстан Республикасы Көлік және коммуникация министрлігінің Көлік және қатынас жолдары комитеті "Кеме қатынасының тіркелімі" мемлекеттік мекемесінің жұмыскерлерінің мамандықтары бойынша жұмыс өтілін есептеу ережесі

1. Осы Мемлекеттік қызметші емес су жолдары ұйымдарының және Қазақстан Республикасы Көлік және коммуникация министрлігінің Көлік және қатынас жолдары комитеті «Кеме қатынасының тіркелімі» мемлекеттік мекемесінің жұмыскерлерінің мамандықтары бойынша жұмыс өтілін есептеу ережесі (бұдан әрі – Ереже) «Мемлекеттік кәсіпорын туралы» Қазақстан Республикасының Заңына және «Азаматтық қызметшілерге, мемлекеттік бюджет қаражаты есебінен ұсталатын ұйымдардың қызметкерлеріне, қазыналық кәсіпорындардың қызметкерлеріне еңбекақы төлеу жүйесі туралы» Қазақстан Республикасы Үкіметінің 2007 жылғы 29 желтоқсандағы № 1400 қаулысының 4-тармағының 3) тармақшасына сәйкес әзірленген.

Ереже мемлекеттік қызметші емес су жолдары ұйымдарының және Қазақстан Республикасы Көлік және коммуникация министрлігінің Көлік және қатынас жолдары комитеті «Кеме қатынасының тіркелімі» мемлекеттік мекемесінің жұмыскерлерінің мамандықтары бойынша жұмыс өтілін (бұдан әрі – жұмыс өтілі) есептеу тәртібін анықтайды.

Ескерту. 1-тармақ жаңа редакцияда - Қазақстан Республикасы Көлік және коммуникация министрінің 2010.09.29 № 439 (алғаш ресми жарияланғаннан кейін он күнтізбелік күн өткен соң қолданысқа енгізіледі) Бұйрығымен.

2. Мамандық бойынша жұмыс өтіліне су жолдары ұйымдарында және ұйымдық-құқықтық нысанына қарамастан, басқа ұйымдарда сол мамандықпен істеген барлық жұмыс уақыты кіреді, сондай-ақ:

- 1) сол мамандық бойынша мемлекеттік қызметте болу;
- 2) теріс себептермен қызметтен шығарылған адамдардан басқа, Қарулы Күштерде, ішкі, шекара әскерлерінде, Қазақстан Республикасы мен бұрынғы

КСР Одағының азаматтық қорғаныс басқармалары органдары мен бөлімшелерінде, Қазақстан Республикасының Ұлттық қауіпсіздік комитеті мен КСРО Мемлекеттік қауіпсіздік комитеті органдары жүйесінде, Қазақстан Республикасы Президентінің Күзет қызметінде және Қазақстан Республикасының Республикалық ұланында офицерлік құрамдағы адамдардың, прапорщиктердің, мичмандардың, мерзімнен тыс және мерзімдік әскери қызметтегі әскери қызметшілердің міндетті әскери қызметін өткерген;

3) теріс себептермен қызметтен шығарылған адамдардан басқа, басшы құрамдағы адамдардың ішкі істер органдары жүйесінде, прокуратура органдарында қызмет істеген, Қазақстан Республикасы мен бұрынғы КСР Одағындағы сот аппаратында, Қазақстан Республикасының Мемлекеттік тергеу комитетінде жұмыс істеген;

4) еңбек сіңірген жылдары үшін үстемеақы алатын кұқық беретін лауазымдардағы жұмысы, сот органдарындағы, Қазақстан Республикасы мен бұрынғы КСР Одағының соттарында, прокуратура органдарында, ішкі істер органдарында, КСРО-ның мемлекеттік қауіпсіздік комитеті органдарында, Қазақстан Республикасының ұлттық қауіпсіздік органдары мен бұрынғы Мемлекеттік тергеу комитетінде тақылеттес лауазымдарда жұмыс істеген;

5) КСРО Мемлекеттік банкі мен Қазақстан Республикасы Ұлттық Банкінің жүйесінде сол мамандықтар бойынша жұмыс істеген;

6) жүкті болу және бала тууға байланысты демалыс, сондай-ақ баланы күту жөніндегі жалақысы сақталмайтын, заңнамаға сәйкес берілетін қосымша демалыс уақыты;

7) егер шетелге жіберер алдында қызметкер мемлекеттік кәсіпорында жұмыс істеген болса және көшу уақытын қоспағанда, шетелден қайтып келген күнінен бастап екі айдың ішінде мемлекеттік кәсіпорынға қызметке тұрса, сол мамандық бойынша шетелде жұмыс істеген;

8) егер қызметкер курсқа түскенге дейін мемлекеттік кәсіпорында жұмыс істесе және бітірген соң кәсіпорынға қайта оралса, оның кадрларды даярлау, қайта даярлау және біліктілігін арттыру курстарында мемлекеттік кәсіпорындар жолдамасымен жұмыстан қол үзіп оқыған;

9) мамандық салалары бойынша ұйымдардағы ғылыми жұмыс;

10) заңсыз жұмыстан шығару және кейін жұмысқа қайта орналасудағы мәжбүрлі жұмыста болмау;

11) Қазақстан Республикасының Парламенті депутатының, мәслихат депутатының өкілеттіктерін жүзеге асыру уақыты кіреді;

12) оның еңбек қызметі өткен қызмет саласы мен ұйымдастыру құқықтық-нысанына қарамастан мемлекеттік мекемелер, кәсіпорындардағы және басқа да ұйымдардағы басшылық лауазымындағы жұмысы.

Ескерту. 2-тармаққа өзгерту енгізілді - ҚР Көлік және коммуникация министрінің 2009 жылғы 6 наурыздағы N 105 (қолданысқа енгізілу тәртібін 4-т. қ а р а ң ы з)
Б ұ й р ы ғ ы м е н .

3. Осы Ережеге сәйкес есептелетін жұмыс өтілі күнтізбелік есептеуде е с к е р і л е д і .

4. Күнтізбелік ай ішінде лауазымдық жалақысын көбейту құқығы туындаған қызметкерлерге, жұмыс өтілін ескере отырып, лауазымдық жалақысын есептеу осындай құқық туындаған күннен бастап жүзеге асырылады.

5. Жұмыс өтілін құрамын ұйым басшысы бекітетін комиссия анықтайды.

Жұмыс өтілін белгілеу жөніндегі комиссияның шешімі хаттамамен ресімделеді. Шешімнен көшірмелер екі данада жасалады және бір данасы кадр қызметіне немесе кадр мәселелері бойынша жауапты қызметкерге, екіншісі - б у х г а л т е р и я ғ а б е р і л е д і .

Ескерту. 5-тармаққа өзгерту енгізілді - ҚР Көлік және коммуникация министрінің 2009 жылғы 6 наурыздағы N 105 (қолданысқа енгізілу тәртібін 4-т. қ а р а ң ы з)
Б ұ й р ы ғ ы м е н .

6. Мына құжаттардың кез келгені:
- 1) еңбек кітапшасы;
 - 2) тоқтату күні мен оны тоқтатудың негізі туралы жұмыс берушінің белгісі б а р еңбек ш а р т ы ;
 - 3) еңбек шартының жасалуы және тоқтатылуы негізінде еңбек қатынастарының туындауын және тоқтатылуын растайтын жұмыс беруші актілерінен үзінді көшірмелер;
 - 4) қызметкерлерге жалақы төлеу ведомосынан үзінді көшірмелер;
 - 5) жұмыс берушінің қолы қойылған, ұйымның мөрімен расталған не нотариат растаған қызмет ету тізімі (қызметкердің жұмысы, еңбек қызметі туралы м ә л і м е т т е р т і з б е с і);
 - 6) қызметкердің еңбек қызметі туралы мәліметтер қамтылған мұрағаттық анықтама қызметкердің еңбек қызметін растайтын құжат болып табылады.

Ескерту. 6-тармақ жаңа редакцияда - Қазақстан Республикасы Көлік және коммуникация министрінің 2010.09.29 № 439 (алғаш ресми жарияланғаннан кейін он күнтізбелік күн өткен соң қолданысқа енгізіледі) Бұйрығымен.